

2023

RUANGMEI

(Modern Indian Language)

Full Marks : 100

Pass Marks : 33

Time : Three hours

Thaylou khang :

- (i) *Latthanv che hei kalangv padeih A, B, C khatnic D twna khaklangc pat re.*
- (ii) *Latthanv kaguayna zamh full marks nzat biak margin khou lyanlou e.*
- (iii) *Latthanv kaguayna daw nina e.*

KALANGV – A
(LATCHYAM/PROSE)

1. **Latthanv guay hei latkaeng 50 – 60 dou khou daw o :** 4×2=8
 - (a) *Daicthau bammei chabwan nunc khou pumhlwan khatnic lungning khou tabuibui kalaihmei nai guang cho hy o.*
 - (b) *Kulanang lev Guibamlynliu kaney ta tingsaengzaeng ningtow bam khang Sangkaumei rui Miantii Raengckat khou tabui taanclou kan cho ?*
2. **Latthanv guay hei latkaeng 40 – 50 dou khou daw o :** 3×3=9
 - (a) *Chumhzihlung rui karaana kata 'ngasatna amay' saa bammei lam hy o.*
 - (b) *Liamnav Gaidinliu rui bamlou kanmei kangkai kathumh zanc hy o.*
 - (c) *Tabui zaeng Benjamin Franklin rui 'Mansei hei baansin kasiamhmei khouring e' twna saa bam tu cho ?*

P.T.O.

3. **Latthanv guay hei latkaeng 25 – 30 dou khou daw o:** 2×3=6
- (a) Howreylu lauthuan zaicna kalung puame bammei tabui zaeng cho ?
- (b) Gaydinliu alauc douc twkumhna daicthau cho ?
- (c) Miantiimeimei mulay zay mpangv ngam kanmei tangv amay karapeic tei twkumh kan cho ?

4. **Tiilou bammei latthanv nei hei latrian akhat khou daw o:** 1×2=2
- (a) Gaydinliu katingkwm azuh khou ‘Liammav’ zanphuak laatow kan cho?
- (b) Miantii Guangc makukai swmei mung khou thow rui maku guaic nym kan cho ?

(LUCHYAM / POETRY)

5. **Latthanv guay hei latkaeng 50 – 60 dou khou daw o :** 4×2=8
- (a) Luchyamhymeimei C.P. Lungkubon rui Ravguangc khou ningtyng ney nimeimei thiak dincloumei guay tei hy o.
- (b) “Gaypui lat tei hei amuc zaic ki
Siipui lat tei hei amuc thuy lak
Alung twn phungcna bam.”
Tiilou bammei latbamv khou Hukhyamlaeng rui saa nii bammei hei tabui ta cho ?
6. **Thanv bammei latthanv hei latkaeng 40– 50 lungc khou daw o :** 3×3=9
- (a) Tabui zaeng rui lungcsiimeipui khang tingkwm nic saengc diangc kumc bam tu cho ?
- (b) “...ningmei akhat, san rui akhat”
Luchyamhymeimei Dr. Thuanreilung Phaomei rui saa nii bammei hei tabui cho?
- (c) Luchyamhymeimei Ragongning Gangmei rui Lubuanneic ramhowgai ta tabui lev kidaana hylou cho ?

7. Latthanv guay hei latkaeng 30– 40 dou piuna daw o :

2×3=6

(a) “Raengdaic nang e ’na howmaanv bam e.”

Tabui ta tabui zaeng howmaanv bam tu cho ?

(b) Luchyamhymeime rui ‘lungning khou makumhmeime na rui kim mak khe’ saa bammeime tabui ta cho ?

(c) Luchyamhymeime Hukhyamlaeng rui kazy kazaengc khou tabui ningpat kan cho ?

8. Kabangc khou latthanv hei latrian akhat khou daw o :

1×2=2

(a) “Pantyna paeng bam ni e,

Bwanruanghluangc gaypui namv khou.”

Thow cho Bwanruanghluangc khou pantyna paeng bam nimeime kiu ?

(b) Ngaana lakmeime nganvbamv chaenglwan kiu tabui cho ?

KALANGV – B (PAHMEI / READING)

9. Latdangv hei pac lana latthanv guay hei latkaeng 25–30 lungc khou daw o :

Ruangmeime namv khou namvdowmeime ganv khou khunh numpuimeime teimeime rui Namvpouc sw the. Duikhunc khuhpuimeime ta teimeime Duikhunc Khuhmeime khatnic Raengh kasiampuimeime teimeime Raenghpamhmeime twna thay e. DuikhuncKhuhmeime lev Raenghpamhmeime kaney hei

Namvpouc tangv khou kapy swmeime the. Mi tangv tho – peimeime pamhmeime, khangchu pamhmeime, luchu pamhmeime mi guay hei nic namv khou kapouc katiangc swmeime nunc the. Mi ruc khouheime Mailupouc twmeime nic nai e. Mi hei nic namv khou kapy kagav swmeime muay e.

Reynungc pouhpeih kaanc khou tho namv saasuan sinmeimeime kapy kagav hei Namvpouc, DuikhuncKhuhmeime, Raenghpamhmeime, Khangchupouc, Luchupouc, Mailupouc, gaanvchangc, baanhzaa mi guay rui sw bam khwan e. Namvsaengc namvdaic etheimeime kailiangh-py, kaikhwang-py nunc ta nic Peikumeimeime tisw e.

Namvpouc hei namv tuang kaipouc change the. Duikhunhkhuhmei hei dui tuang karith laamei the. Raenghpamhmei rui namv gaekmei rith phunghmei e. Mi tei kumena Khangchupouc hei nic gaanmei nunc rui namv gaekmei rith laaloumei nunc e. Luchupouc hei suganv rihganv khou nap-mazah tuang rith phunghmei mei e. Mailupouc hei lulat zamh rith phunghmei the.

Kabi sw liangmei Namvpouc, Duikhunckhuhmei, Raenghpamhmei- mi nunc hei tho kaikhwang tuang swna katou kanac nunc rui phungc kadai kadaikhey khwan e. Baihmei nunc Peipouc, Khangchupouc, Luchupouoc, Mailupouc mi guay hei tho kaganv kaganv khou taanvphunghmei nunc tei rui phungc khwan e.

- (a) Ruangmei namv hei twkumhna suamcthau cho ? 2
- (b) Namvpouc tangv tabui taanvphunghmei rui Ruangmei namv khou kapy swmei cho ? 2
- (c) Mailupouc hei Ruangmei namv saasuan khou tabui mei cho ? 2
- (d) Duikhunckhuhmei lev Raenghpamhmei kaney thouc tabui cho ? 2
- (e) Ruangmei namv tuang kapy kagav pangc khou katou kanac rui phungc kadai kadaikhey mei taanvbamv kanei zanc hy o. 2

10. **Kabangc khou tiiloumei latdangv hei pac lana :**

- (a) Note kasiameh o. 3
- (b) Note khoutei rui *summary* hy o. 3

Pukphaabw lauthwan tei neihmik nic souh mak ge, muangh rui gumliam ngamna Imphal kaidai hei zaengsimeh lwn phungcna zingc bam khwan e. Meic kangdai rui huamec guangna thaengcluai kan nimeh Zahduanang ta zauc bam khwan e. Baanraubw 29 khourui Pukphaabw 29, 1931 lungc khou kata nzianmei Ruangmei nac azuh rui napgan suanc guangna Imphal Jail khou titulou bam khwan e. Mi kumhmei mansei nunc guayna tei nic aseic tho kata thaengcluai nimeh ta kapna guang zauc bam geic the. Pukphaabw 29, 1931, Tingkuhneic lauthwan khuangh 6 keypui ganv

khon nchumhmei lwn thay makmei ngamvsinmei nunc latdanv theilayna Zahduanang Nambul duithuak daeng khon, Imphal kangkai thei khon naimei abahthai bang kanei kak khon, meic guayna mav khon, “*Ai nkhuai mak ge. Ai rui taanc bammei kaguayna hei amei nunc khang rui e. Ai Makaamv Guangc hamh e. Makaamv Guangc tho athei thangc guang pwni*” twna kauc lana kabuc tut kan the. Puangepat nimec mwnpwang ta kaduy katut khourui nsiktaplou tukumc sansimec Haipou Zahduanang puangc patmei lwn how makna tat rey kan the aniu ta ganclou ducna.

KALANGV – C (HYMEI / WRITING)

11. **Tiiloumei latpy khourui luchyam karian tachat khon hypat ro :** 4

(a) Luanghbut

Hamhethai

(b) Khowduang

12. Tazuanghmeipu asaekc rui Luangmai kaithyan khon nthyammei alauc akhat ta rikna nymtat khang sw bammei ta nang how the. Puiruhnac ramhthay bam khang tithaymei che akhat hy o. 4

13. **Kabangc khon latbamv hei tiiloumei *Outlines* sinswna Essay latkaeng 180–200 lungc khoy hy o** 8

(a) Nzianmei

[**Outlines** : *Kahouhmei – nzianmei kazaat – nzianmei maekmei khatnic naimec kandic – nzianmei rui tabui taanc ngam – luailoumei*]

Hamhethai

(b) Sangai Festival

[**Outlines** : *Kahouhmei – Tabui khang ngay tuang – tatkey kanmei chamvraeng – luailoumei*]

14. Chapchaliu Rwangmei rui “Khoupum Times” tuang nzangmei (editor) khou kachwn ndauhna ‘aniu zaat hei saengthau daicthau khang kasiamh makna kamung karuang laenghlouna tu-zangvna syandui azuh swmaan bammei hei nthae k la kho’ twmei taldyn akhat hy e. Mi taldyn kiu hy pat ro. 8

Hamhethei

FCI, Khoupum tuang General Manager rui katuang office khou Accountant taanv bamv khang taanv kaw bam e. Mi taanv khang tei nang tuang bio-data kazauhmei taanvdui taldyn akhat hy o.

KALANGV – D (LATRIAK / GRAMMAR)

15. (a) “Kahymdaic kah yang mbamv e.”
Tiiloumei latrian khou nkwang khwan latkaeng hy pat ro. 1
- (b) Ruanglat khou khwanlangv kathumh (trisyllable) naimei latkaeng akhat hy o. 1
16. (a) “Neihlaamei rui pumh tigaylou e.”
Mi latrian khou rui Abstract Noun latkaeng hy pat ro. 1
- (b) “Kamei tho syan geic hakna rylou bam tuang de.”
Mi latrian khou Adverb latkaeng kapah pat ro. 1
17. **Tiiloumei latrian khourui nhoumei latpaa hy pat ro:** 1×2=2
- (a) Panty hei key-kuna lungc e.
- (b) Dui-mai gaymei bammei khou amanvna lungc e.
18. **Latthanv hei pac lana tiilou bammei latdaw padeih pangc khourui nchumh liangmei latdaw kapahna hy pat ro :** 1×4=4
- (a) “Anac alaucmei pak dinghding the.”
Mi latrian khou Ruanglat latmii hei
- (i) Anac e. (ii) alaucmei e.
(iii) pak ge. (iv) dinghding e.

(b) “Apui mo kaluangluang karaamraam tanc langvna theic pung de boc !”

Mi latrian khou ‘Kaluangluang karaamraam’ twmei hei

- (i) latthiap e.
- (ii) latpaa e.
- (iii) latchuam e.
- (iv) latrian e.

(c) “Lanvbilungc zaw nthyam liang e.”

Mi latrian hei tabui latrian cho?

- (i) Positive degree latrian e.
- (ii) Comparative degree latrian e.
- (iii) Superlative degree latrian e.
- (iv) Nkhuai ngam de.

(d) “Ai taanc dat lak khe.”

Mi latrian hei

- (i) Chalahna ndauhpatmei (Declarative) latrian e.
- (ii) Hamhmei ndauhmei (Negative) latrian e.
- (iii) Thanvmei (Interogative) latrian e.
- (iv) Thouhmei (Imperative) latrian e.